

North Sotho - Basadi Mangwalo - Wives Scriptures

BaEfeso 5:22-24 Lena basadi, le be ba ba kwago banna ba lena, bjalo ka ge le ekwa Morena. 23 Gobane monna ke hlogo ya mosadi, bjalo ka ge Kriste e le yena hlogo ya phuthego, e le yena Mophološi wa mmele wa gagwe. 24 Bjalo ka ge phuthego e ekwa Kriste, le basadi ba kwe banna ba bona dilong ka moka.

BaEfeso 5:31,33 Ka baka leo motho o tlo tlogela tatagwe le mmagwe, a gomarela mosadi wa gagwe, gomme ka babedi ba tlo ba nama e tee. 33 Ke fetša ka go re: Mang le mang a rate mosadi wa gagwe ka mokgwa wo a ithatago ka wona; gore mosadi yena a boife monna.

1 BaKorinthe 7:3 Monna a nee mosadi tše di mo swanetšego ka thoko ya lerato; le mosadi a dire monna wa gagwe ka mokgwa woo.

1 BaKorinthe 7:34 Mosadi e a tšerwego, le mosetsana, ga ba swane. E a sa tšewago o belaela tša Morena, gore a be mokgethwa, mmle le moyo, e a tšerwego o belaela tša lefase, gore a kgahle monna.

BaKolose 3:18 Lena basadi! Kwang banna ba lena; ke sona se se swanetšego Moreneng.

1 Timoteo 2:11-15 Mosadi a a rutwe a ikhomoleše e le wa go ikokobetša gohle. 12 Mosadi ga ke mo dumelele go ruta le go laola monna; a a dule a ikhomoleše. 13 Gobane Adama o bopilwe pele, gwa tsebo bopša Efa. 14 Le gona e a forilwego ga se Adama, ke mosadi e a setšego molao a dumetše go forwa. 15 O tlo phološwa e le wa go belega bana, ge a dula tumelong e le wa pelokeledi.

Genesi 3:16 Mosadi, Modimo o boletše le yena a re: Ke tlo go atišetša kudu tapišego go imeng ga gago; o tlo belega bana ka bohloko, mme o tlo fela o hlologelwa monna wa gago; mme yena o tlo go buša.

1 Petro 3:1,2 Le lena basadi, bušwang ke banna ba lena, gore ge go na le ba ba ganago go kwa Lentšu, ba tle ba ruiwe ka go bona tsela ye e swerwego ke basadi, go se lentšu le le bolelwago, 2 ge ba lemogile tsela ya lena e le ya go boifa le go ila tšila.

Tito 2:1-5 Gomme wena bolela tše di amanago le thuto ye e phedilego. 2 Banna ba bagolo o ba eletše gore ba hlwe ba phafogile, e be ba bokwala le ba tlhaologanyo, le ba ba phedilego tumelong, e le ba lerato le go se fele pelo. 3 Le basadi ba bagolo e be ba babjalo, ba sware ka tsela ya ba bakgethwa. E se ke ya ba baphari, le ba go bušwa ke sebelo; a e be baruti ba bothakga. 4 Ba rute bafsa bokwala; ba rate bana ba bona. 5 E be ba bokwala bailabowatla, balotodi ba malapa a bona, gore lentšu la Modimo le se gobošwe.

Diema 12:4 Mosadimohlamegi ke ala sa monna wa gagwe; wa go mo leša hlong o bjalo ka bolwetši marapong.

Diema 14:1 Bohlale bja mosadi bo ekagela ngwako; atla tša wa lešilo di a o rutla.

Diema 19:13 Ngwana yo setlatla ke masetlapelo a tatagwe; manganga a mosadi ke matlobotlobo a sa kgaotšego.

Diema 21:9,19 Go dula ntle mokutwaneng go phala go dula ngwakong ga mmogo le mosadi wa senganga. 19 Go dula lešokeng go phala go dula le mosadi wa swele le manganga.

Diema 25:24 Go dula ntle mokutwaneng go phala go dula ngwakong ga mmogo le mosadi wa senganga.

Diema 27:15,16 Thaka e nethago ka medupi, le mosadi wa senganga, di a swana. 16 E a rego: Nka mo fepeletša, o fepeletša phefo, o re: Makhura nka a khuparela ka seatla!

Diema 31:10-31 Mosadi wa sethakga o hwetšwa ke mang? Ke yena lehumo le le fetago dipheta. 11 Pelo ya mong wa gagwe e dula e mmotile; monna wa gagwe ga a hloke thuo. 12 Tše a mo direlago tšona, ga di na tše mpe, ke tše botse mehla yohle ya bophelo bjagwe. 13 O inyakela ngweta wa boy a le wa leokodi; o dira ka diatla tša seroto. 14 O bjalo ka letshelawatle la bašabi, la go tla le dijo ditšwakgole. 15 O tsoga e sa le bošego, o nea ba lapeng bogobe, le bjo bo lekanego badiredi bagwe. 16 O nyaka tšhemo, a ba a e hwetša; o šema dihlaredilewa tše a itheketsego tšona ka matšo a atla tšagwe. 17 O itlema matheka, a dira ka matla, atla tšagwe ga a di setše. 18 O thabela go letlega ga tša gagwe; la gagwe lebone bošego ga le time. 19 Diatla tša gagwe di loga ka thlale tša leokodi le le logilwego ke menwana yagwe. 20 O ntšhetša mohlaki matsogo; o ntšhetša mohloki seatla. 21 Lapa la gagwe ga a le boifele phefo; gobane bohle ba ba lapeng la gagwe ba apere tše borutho. 22 Le magogwa o a dira; aparo tša gagwe ke tša motwatwa le tša moretele. 23 Monna wa gagwe kgorong o a tsebj a; o dula le bagolo ba lefase. 24 O roka diaparo ka mengweta, a rekiša; le lešela o tla le gafela babapatši. 25 Botšhepi bja gagwe ke maatla le ina; tšatši la ka moswana o re: le tla nkhwetša. 26 Se a se boleLAGO ke bohlale; leme la gagwe le ruta batho botho. 27 O šetša tšohle tše di tlago ka lapeng la gagwe; ga a je bušwa bja bobodu. 28 Bana ba gagwe ba ema ba re: Mmamahlogenolo! Monna wa gagwe o a mo reta. 29 O re: Basadi ba dinatla ke bantši; go hlokwa wa go phala wena. 30 Botsoro bo a fora, le botse ke lefela; mosadi go retwa mošia -- Morena. 31 Mo neeng matšo a diatla tšagwe; mediro ya gagwe e retwe kgorong.